

## LXVIII.

31. Sicut Ethnici, ubi veræ essent istæ reliquiæ, interdum dubitarunt:

*Diana Taurica reliquias tam Athenienses, quam Lacedæmonii, tam Cappadoces, quam Lydi se habere putarunt.*

## LXIX.

Talem Pontificios non tantum alere dubitationem; sed etiam contentionem, tam notum est, quam quod notissimum.

*Tabulam, inscriptionem Christi representantem à Pilato exaratam, Romani in templo sanctæ Crucis, asservari ajunt. Tolosani contrarium dicunt. Mediolani dicunt, clavum se habere unum, quibus Christus cruci affixus fuit, quiq; freno equi, Constantini M. fuit appensus: Hoc negant Carpentoractenses. Duo alij clavi ostenduntur Romæ, unus in templo Crucis, alter in templo Helenæ. Alius Venetiis: alius Colonia; alius Treviris, alius Senis: Parisiis quoq; unus monstratur. Carmelitæ etiam unum exhibent.*

*Sic cusps hastæ, qua vulneratus Christus, monstratur quatuor in locis. Tunica Christi ostenditur Treviri & Argentolæ. Ambiani dicunt secum asservari caput Ioannis; particulas tamen capitû varias monstrant incolæ Ioannis Angelici, Vesontini, Parisii, Noviodunenses &c. Romani totum quoq; caput monstrant.*

*Digitum illius, quo agnum Dei monstravit exhibent, Vesontini in templo Ioann. Majori, Lugdunenses, Florentini, Bituriges, & alij. Pedum petrinum monstrant Parisii ad S. Stephan. Colonienses & Trevirenses similiter. Plura si postulaverint exempla Pontificij, enumerabo illi.*

## LXX.

32. Sicut Ethnici ejusmodi reliquias è loco minus nobili, ad nobiliorem transtulerunt.

*Antigonus Demetrii patrû cineres ex Syria in Græciam deportavit, describunt Pomposam hanc ceremoniam, Volaterranus & Sabellicus ex Plutarcho.*

*Idem autor notat in Theseo & Cymone descriptionem Pompe, qua Thesei ossa post annos quadringentos ex Scyro Insula Athenas à Cymone in sua triremi translata, & splendida deductione ac festiva celebritate, ab Atheniensib. quasi ipse Theseus redisset, excepta fuerint.*

*Similia scribit de ossibus Phocyonis.*

Ita